

Na osnovu člana 96. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13), a u vezi sa Odlukom Senata, broj: IUS-SENAT 11-3161/2014, Internacionalni univerzitet u Sarajevu (u daljem tekstu: IUS), raspisuje:

K O N K U R S
za izbor u naučnonastavna zvanja
na Internacionalnom univerzitetu u Sarajevu

Izbor kandidata (akadenskog osoblja) vršit će se u naučnonastavna zvanja za sljedeće naučne oblasti:

FAKULTET PRIRODNIH I TEHNIČKIH NAUKA

Redni broj	Naučna oblast	Nastavnik (docent, vanredni profesor, redovni profesor)	Saradnik (Viši asistent)	Saradnik (Asistent)
1.	Biološke nauke 1)	1	-	-
2.	Biološke nauke 2)	-	1	-
3.	Elektrotehnika 3)	1	-	-

¹⁾ U okviru izbora nastavnog osoblja na naučnu oblast „Biološke nauke“, prednost imaju kandidati sa akademskim iskustvom i značajnim naučnim rezultatima u oblasti molekularne biologije biljaka i bioinformatike;

²⁾ Za poziciju višeg asistenta na naučnoj oblasti „Biološke nauke“ potrebno iskustvo kandidata od najmanje tri godine u saradničkim poslovima (kao asistent ili viši asistent);

³⁾ U okviru izbora na naučnu oblast „Elektrotehnika“, prednost imaju kandidati sa internacionalnim akademskim iskustvom i značajnim naučnim rezultatima u oblasti upravljanja kompleksnim dinamičkim sistemima i primjenama;

FAKULTET UMJETNOSTI I DRUŠTVENIH NAUKA

Redni broj	Naučna oblast	Nastavnik (docent, vanredni profesor, redovni profesor)	Saradnik (Viši asistent)	Saradnik (Asistent)
1.	Političke nauke i sociologija 4)	1	-	-

⁴⁾ U okviru izbora na naučnu oblast „Političke nauke i sociologija“ prednost imaju kandidati sa akademskim iskustvom u oblasti političke misli i filozofije historije

Uslovi: Kandidati za izbor u naučnonastavna zvanja, pored općih uslova propisanih Zakonom o radu, minimalnih uslova za izbor u naučnonastavna zvanja propisanih članovima 89. i 90. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13) i općim aktima IUS-a, trebaju vladati engleskim jezikom u pismu i govoru.

Sa kandidatima koji budu izabrani u akademska zvanja, IUS zaključuje ugovor na period za koji su izabrani u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog odsjeka odnosno fakulteta. Negativna ocjena kandidata u toku probnog rada smatra se raskidnim uvjetom u pogledu važenja ugovora o radu.

Kandidati strani državljanji zaključuju ugovor o radu na određeno vrijeme, u skladu sa odredbama Zakona o zapošljavanju stanaca.

Kandidati uz prijavu na konkurs obavezno prilažu slijedeće:

1. Biografiju / Curriculum Vitae sa bibliografijom;
2. Diplomu ili uvjerenje o diplomiranju o stečenom odgovarajućem stepenu obrazovanja u relevantnoj naučnoj oblasti;
3. Rješenje o priznavanju diplome (za kandidate koji su diplomu stekli u inostranstvu);
4. Objavljene naučne radove, uz naznaku publikacija u kojoj su radovi objavljeni i relevantne baze podataka u kojoj su radovi citirani odnosno uz potvrdu o pozitivnoj recenziji najmanje dva recenzenta;
5. Objavljene knjige relevantne za izbor u akademsko zvanje;
6. Dokaze o ispunjavanju uvjeta za izbor u naučnonastavno zvanje za koje se prijavljuju;
7. Dokument kojim se dokazuje izbor u prethodno akademsko zvanje (ukoliko je izvršen izbor);
8. Odluka o imenovanju za mentora kod izrade doktorskih disertacija i magistarskih radova, odnosno drugi odgovarajući dokument kojim se dokazuje uspješno mentorstvo;
9. Potvrdu visokoškolske ustanove o uspješnom izvođenju nastave na engleskom jeziku (za kandidate koji su ranije samostalno izvodili nastavu) ili dokaz o poznavanju engleskog jezika⁵⁾;
10. Uvjerenje o državljanstvu (ne starije od 6 mjeseci) za kandidate koji su državljani Bosne i Hercegovine, odnosno ovjerenu kopiju prve stranice pasoša za kandidate koji nisu državljani Bosne i Hercegovine.

⁵⁾ Nije potrebno za kandidate kojima je engleski jezik maternji, odnosno koji su stekli diplomu na visokoškolskim ustanovama na kojima se nastava odvija na engleskom jeziku.

Dokumenti se dostavljaju u originalu ili iznimno u kopiji originala uz lično naznačene razloge.

Kandidati su obavezni u prijavi naznačiti jedno od zvanja za koje se prijavljuju, u suprotnom takva prijava će se smatrati neurednom i neće biti razmatrana.

Kandidat koji nije ranije sudjelovao u realizaciji nastavnog procesa u visokoškolskoj ustanovi obavezan je da pred studentima i Komisijom za pripremanje prijedloga za izbor u zvanja održi pristupno predavanje iz naučne oblasti za koju je konkurisao.

Konkurs ostaje otvoren osam dana od dana objavljivanja.

Prijave sa potrebnim dokumentima sa naznakom „PRIJAVA ZA KONKURS ZA IZBOR U AKADEMSKA ZVANJA, NE OTVARAJ - OTVARA KOMISIJA“, te naznakom fakulteta i naučne oblasti za koju se kandidat prijavljuje dostaviti lično ili preporučenom poštom u zatvorenoj koverti na adresu: Internacionalni univerzitet u Sarajevu, Hrasnička cesta 15, 71 210 Ilidža, Sarajevo.

Nepotpune i neblagovremene prijave se neće uzimati u razmatranje.

Konkursna dokumentacija se neće vraćati.

REKTOR

Prof. Dr. Yücel Oğurlu

Dostaviti:

- Fakultet prirodnih i tehničkih nauka,
- Fakultet umjetnosti i društvenih nauka
- a/a